

## Transkription von Urkunde SAW 1388b

Ort, Datierung: Salzwedel, 1388-02-02

Signatur: Stadtarchiv Salzwedel, 323/2a

Inhalt: Heyne Went: Grundstücksverkauf

---

Ik heyne went . borgher in der Nygenstad tho soltwdele . Beke(n)ne in dessem breue . dat ik / hebbe vorcoft . vnde ghelaten vnde vor late jn dessem breue . to enem rechte(n) ewi=/ghen cope hern hinrike van da(n)nen(er)ghe enem vicario to soltwedel . to truwer / hant . vnde nūt . der vruwenamen dede wonen vnde gode denen . In sunte annen / huse vppe deme houe to deme hilghen gheyste vor soltwedele . mine wisch . dede lit / twischen der oldenteghelschuynen vnde der Gesnen . vor soltw(edele) . vry vnde vnbewore(n) / mid aller to behoringhe . vor achteyn mark b(ra)ndeborsches suluers . de my al rede / betalet sint . vnde wil en der wisch eyn recht were wesen . vnde hebbe se hinri=/ke van wyda enem borgher inder oldenstad to soltwedel . vp ghelaten . vor richte / to truwer hant . her hinrikes . vn(de) der vruwenamen Insunte Anne(n) huse vor ghe/nomet . Tughe desser dink sint de Erbaren lude . her Arnt sak . her Merten van / der arnesse . her Diderik schulten . prestere . Clawes godeschalk in der oldenstad / Coppe brunowe in der Nygenstad Radlūde . Godeke van krychelendorpe vn(de) vele / bedderuer lude . To grotterer bewysinghe . hebbe ik myn Inghezeghel ghehe(n)ghet / an dessen breff . de ghegheue(n) is na godes bord . drutteynhu(n)dert Jar in deme achte / vn(de) achtegheten iare . In vser vrowen auende to lichtmissen . /